

դժվարության առաջացման պատճառներից մեկն այն է, որ ինչպես պետական համալսարանը, այնպես և գրականության ինստիտուտը շուրջ հրկուս տարեամսյակի ընթացքում արժանի խորությամբ չեն մշակում հայ հին գրականության և հատկապես գրական պրոզայի ուսումնասիրության կարոտ հարցերը և չեն տալիս համապատասխան որակյալ կադրեր՝ Մյուս կողմից մեծ թերություն պետք է համարել այն, որ մեր պարբերականներում անբավարար է զարգանում պատմագրական ընդգավառում լույս տեսնող հրերը՝ Ընկ. Հովհաննիսյանը մատենանոց նաև այն, որ անհրաժեշտ է պարզել գրականության ինստիտուտի մամուլի սեկտորի պրոֆիլը, հաշվի առնելով հայ մամուլի մատակարարած հարուստ նյութերի կտրեորությունը և այն, որ այդտեղ են կենտրոնացած XIX և XX դարերի հայ հասարակական և քննադատական մտքի պատմության կարևոր աղբյուրները:

Մաշտոցի անվան մատենադարանի դիրեկտոր, ակադեմիայի թղթակից-անդամ, գեղարվեստի և հայագիտության երույթը նվիրված էր գիտահետազոտական ինստիտուտների աշխատանքները կոորդինացնելու, հայ գաղութների մշակութային արխիվներն ուսումնասիրելու, ակադեմիայի սխոլաստիքի բոլոր ինստիտուտներում գտնվող միկրոֆիլմերը համառոտ օգտագործելու հարցերին:

Ժողովի մասնակիցները հետաքրքրությամբ լսեցին փոխտնօրինության և իրավունքի սեկտորի վարիչ, ՀՍՍՌ գիտության վաստակավոր՝ գործիչ Լ. Գ. Ասլանյանի՝ «Թուրքական պատմափիլիսոփայության անակագումը» և պատմական գիտությունների գեղարվեստի Բ. Ն. Առաքելյանի՝ «Արամիլիի պեղումների նշանակությունը հայ մշակույթի ուսումնասիրության համար» թեմաներով զեկուցումները:

ՎԻՏԱԿԱՆ ՆՍՏԱՇՐՋԱՆՆԵՐ

Տեղի ունեցավ Հայկական ՍՍՌ գիտությունների ակադեմիայի գիտական նստաշրջան* նվիրված ռուսական տպագրության 400-ամյակին:

Գիտական նստաշրջանում բացման խոսքով հանդես եկավ ՀՍՍՌ ԳԱ պրեզիդենտ՝ ակադեմիկոս Վ. Զ. Համբարձումյանը:

— Տպագրության արվեստը, — նշեց ակադեմիկոս Վ. Զ. Համբարձումյանը, — միշտ բարձր են գնահատել բոլոր ժողովուրդները: Ահա թե ինչու ամենևին էլ զարմանալի չէ, որ այսօր նշելով ռուսական տպագրության 400-ամյակը, առանձնակի հարգանքով ենք վերաբերվում առաջին ռուսական տպագրիչների պատմական կարևոր դերի ու վաստակի բնութագրմանը, մեծ ուշադրությամբ ուսումնասիրում անցյալի տպագրիչների տեխնիկան և բազմազան հրատարակությունների փորձը, գնահատում ժողովրդի կուլտուրական վերելքի համար նրանց ձեռնարկած ջանքերն ու աշխատանքը:

Անհրաժեշտ է նշել 19-րդ դարում և մեր օրերին տեղագրված նոր գրքերի բարձր տեխնիկական, բազմազան գրքերի հատկանիշներն ու գիտական ուղղությունը, ժողովրդի հետ սերտորեն կապված առաջավոր գրողների ու գիտնականների դերը, ինչպես նաև նորանոր ընթերցողների ատվարածավալ շարքերի աճը:

Հոկտեմբերյան սոցիալիստական մեծ հեղափոխությունից հետո անսահման չափով ավելացել է գրողների, ընթերցողների թիվը, բարձրացել նրանց ակտիվությունը, փոխվել է տպագրություն ու հրատարակությունների ուղղությունը, Գիրն ու գրականությունը կարևոր դեր են կատարում ժողովուրդների եղբայրության, կոմունիստական լուսավոր հասարակության կառուցման, խաղաղության ամրապնդման գործում:

Այնուհետև կարդացվեցին զեկուցումներ՝ «Ռուսական տպագրության 400-ամյակը» թեմայով զեկուցեց ՀՍՍՌ ԳԱ ակադեմիկոս Ա. Բ. Կարինյանը*, «Ռուսաստանի առաջին հայկական տպարանները» թեմային էր նվիրված բանասիրական գիտությունների թեկնածու Ա. Ս. Բարայանի զեկուցումը:

Գիտական նստաշրջանի մասնակիցները մեծ հետաքրքրությամբ դիտեցին ռուսական տպագրությանը նվիրված գրքի ցուցահանդեսը, որտեղ ներկայացված էին ռուսական գրքի լավագույն նմուշները:

* Ակադեմիկոս Ա. Բ. Կարինյանի զեկուցումը տե՛ս «Տեղեկագրի» այս համարում:

* *

Մարտի 16-ին գիտությունների ակադեմիայի փոքր դահլիճում տեղի ունեցավ Փիլիսոփայության և իրավունքի սեկտորի հաշվետու-գիտական նստաշրջանը, որը ներածական խոսքով քննարկեց սեկտորի վարիչ Հ. Ասլանյանը:

Նստաշրջանում լավացին երեք զեկուցումներ: Ավագ գիտաշխատող Լևոն Արրահամյանը «Լեզվական նշանի բնույթը թեմայով իր զեկուցման մեջ նշեց, որ նշանային սիստեմների ուսումնասիրության հետ կապված իմացաբանական հարցերը վերջին տասնամյակում գրավում են փիլիսոփաների ուշադրությունը: Ընդ որում, իդեալիստական փիլիսոփայության մեջ տեղեկաց կա նշաններն ու նշանների սիստեմներն առանցքային»՝ իբրև մի «հատուկ թագավորություն»՝ մեկուսացած ինչպես իրերի, այնպես էլ իդեաների աշխարհից: Այդ տեսակետն անհիմն է և հանգեցնում է ազնոստիկական եզրակացությունների: Զեկուցողը համոզվել չի համարում այն տեսությունները, որոնք ազնոստիցիզմին հակադրում են մի դրույթ, ըստ որի նշանի նշանակությունը օբյեկտի արտացոլումն է: Բնութագրելով լեզվական նշանը, Լ. Արրահամյանը զարգացրեց այն տեսակետը, որ նշանի նշանակությունը նրա յուրահատուկ հարաբերությունն է նշանակման առարկայի նկատմամբ:

Ավագ գիտաշխատող Մուրեն Ավետիսյանի զեկուցումը նվիրված էր տարածության մաթեմատիկական և փիլիսոփայական ըմբռնումների փոխհարաբերության հարցին: Նա կանգ առավ ժամանակակից բուրժուական փիլիսոփայական մի քանի հոսանքների բնութագրման վրա, որոնք տարածության մաթեմատիկական ըմբռնումները բոլորովին կտրում են տարածության օբյեկտիվ հատկություններից և դիտում, որպես սոսկ մարդկային մտքի ազատ ստեղծագործության արդյունք: Այդ սխալ պատկերացման իմացաբանական արմատը, նշեց զեկուցողը, հետևյալ հանգամանքն է. երկրաչափությունը, որպես մաթեմատիկական սիստեմ, իրականությանը վերաբերում է միայն այն ժամանակ, երբ տրված է մետրիկայի կոնգրուենտության սահմանումը, իսկ այդ սահմանումը բուրժուական փիլիսոփաների կողմից դիտվում է իրեն կամայական պայմանավորվածություն: Այդ տեսակետին զեկուցողը հակադրեց կոնգրուենտության սահմանման գիտական-մատերիալիստական ըմբռնումը, ըստ որի կոնգրուենտության սահմանումը ունի առարկաների տարածական հարաբերությունների որոշ կոդների արատրակտ արտահայտությունն է: Այդ ամենի հիման վրա զեկուցողը բացահայտեց տարբեր երկրաչափական սիստեմներում (էվկլիդեսյան, Նորաչափ, Ռիմանի) գրեթե լիակատար տարածական հարաբերությունների և ընդհանրապես տարածության, որպես մատերիալի գոյության ձևի, փոխհարաբերությունը:

«Անհատի էության հարցի հակամարտության խեղաթյուրումների քննադատությունը» զեկուցումով հանդես եկավ սեյտորի կրտսեր գիտաշխատող Ռազմիկ Նավասարդյանը: Ցույց տալով անհատի հարցի ակտուալությունը կոմունիստական շինարարության ինչպիսի տեսության, այնպես էլ պրակտիկայի տեսակետից, նա նշեց, որ բուրժուական փիլիսոփայությունը շարունակ հարձակումներ է կատարում մարքսիզմի դեմ նաև այս հարցում: Նա հատկապես ընդգծեց էքզիստենցիալիզմի ռեակցիոն, հակամարքսիստական ուղղվածությունը: Էքզիստենցիալիզմը, որն ունի միակ հումանիստական ուսմունքի հավանություն, մարդու գոյությունը հանգեցնում է անհատի գիտակցությանը, մարդուն փաստորեն դարձնում է արտասոցիալական էակ: Միաժամանակ էքզիստենցիալիստները պնդում են, թե իբրև մարքսիզմը չի լուծում մարդու պրոբլեմը, քանի որ մարդուն գիտում է քաղաքական հասարակական զարգացման ասպեկտով: Զեկուցողը ցույց տվեց, որ միայն մարքսիզմն է զիտականորեն լուծում մարդու մեջ անհատականի ու հասարակականի փոխհարաբերության բարդ պրոբլեմը: Ռ. Նավասարդյանը կանգ առավ նաև կոլեկտիվիստական հարաբերությունների պայմաններում անհատի պրոբլեմի սոցիալ-լոգիկական ուսումնասիրության մի քանի հասունացած կոնկրետ հարցերի պարզաբանման վրա:

Նստաշրջանի արդյունքներն ամփոփեց սեկտորի վարիչ, գիտության վաստակավոր գործիչ Հ. Գ. Ասլանյանը:

Վ. Ճ. ԲԱՂԴԱՍՍԵՅԱՆ

* *

Մարտի 26—28-ը տեղի ունեցած պատմության ինստիտուտի գիտական նստաշրջանում զեկուցումներով հանդես եկան ինստիտուտի կրտսեր գիտաշխատողները: Այդ նստաշրջանը, փաստորեն կրտսեր գիտաշխատողների մեկ տարվա կատարած գիտահետազոտական գործունեության հաշվետվություն էր, դիսերտացիաների պաշտպանության նախապատրաստության յուրահատուկ ստուգատես:

Հայրենական մեծ պատերազմում հայ ժողովրդի փառասանած զավակների սխրագործություններին էին նվիրված Ք. Գրիգորյանի և Լ. Մարտիրոսյանի զեկուցումները:

Ք. Գրիգորյանը, իր «Հայ ծովայինները Կովկասի համար մղված մարտերում (1942—1943 թթ.)» զեկուցման մեջ լուսարտնեց մարտանավերում և ռազմա-ծովային ավիացիայի զորամասերում իրենց անթառամ փառքով պսակած հայ ռազմիկների մարտական կյանքի հերոսական դրվագները: Զեկուցողը հատկապես կանդ առավ ՍՍՌՄ ռազմա-ծովային ուժերի ժողովրդական կոմիսարի առաջին տեղակալ, նավատորմի ծովակալ Իվան Իսակովի (Հովհաննես Տեր-Իսահակյան), Սովետական Միության կրկնակի հերոս, «Բալթյան մրրկահավ», փոխգնդապետ Նելսոն Ստեփանյանի, Նովորոսիյսկի ղեկավարության գրոհի մասնակից, պահակային կատերի հրամանատար լեյտենանտ Սահակյանի, սեծովյան փառաքանված օդաչու, էսկադրիլիայի հրամանատար Վարդանյանի և ուրիշ հայ հերոսների սխրագործությունների վրա:

«Հայաստանի առողջապահության բնագավառի կին աշխատողները հայրենական պատերազմի տարիներին» թեմայով զեկուցման մեջ Լիզա Մարտիրոսյանը բազմաթիվ փաստերով ցույց տվեց բուժաշխատող հայուհիների, հայ դուստրերի հերոսական գործունեությունն ու անձնվեր աշխատանքը ռազմաճակատում և թիկունքում:

«Արևմտահայ ազգային-ազատագրական շարժման վերելքը 1877—1878 թթ. ռուս-թուրքական պատերազմից հետո և հայ-բուրգ-ասորական դաշինքի խնդիրները» թեմայով զեկուցման մեջ Ռաֆիկ Հովհաննիսյանը նշեց, որ 1878 թ. Տաճկաստանից սկսված արտագաղթի հախուռն օրերին միայն Ջեյթունն էր, որ չտարվեց գաղթով և ապստամբություն բարձրացրեց: Զեկուցողը, վկայակոչելով ժամանակի առաջադիմական հայ գործիչներին, նշեց, որ շնայած հայ-բուրգ-ասորական դաշինքի գաղափարը վաղուց ի վեր հուզում, հրապուրում էր հայ գործիչներին, սակայն արևմտահայ ազատագրական շարժումը մեկուսացված մնաց դրացի բուրգ, ասորի, հույն ժողովուրդների ազատագրական պայքարից և չկարողացավ գտնել ազատագրական շարժման ճշմարիտ ուղին:

Ուշագրավ էր Վ. Ղազարյանի «Խ. Արովյանի գաղափարական առնչությունները Վ. Բելինսկու հետ» զեկուցումը, որտեղ փորձ արվեց ցույց տալու, որ Արովյանը լինելով Բելինսկու ժամանակակիցը, ծանոթ է եղել նրա ստեղծագործություններին ու հայացքներին: Իր «Ճեղքորա կամ որդիական սեր» դրամայում և 1847 թ. Նոյեմբեր-դեկտեմբեր ամիսներին Ներսես Աշտարակեցուն հասցեագրված նամակներում կրել է Բելինսկու ազդեցությունը:

Իրենց զեկուցումներում հետաքրքիր և ուշագրավ շատ հարցեր բարձրացրին ՍՍՌՄ և ժողովրդական ղեկավարության երկրների սեկտորի կրտսեր գիտաշխատողներ Վ. Խաչատրյանը, Կ. Պինգիրյանը, Մ. Հովհաննիսյանը և Ժ. Անանյանը:

Տասնութերորդ դարի Աստրախանի հայերի մշակութային կյանքի պատմությանն էր նվիրված Վարդան Խաչատրյանի զեկուցումը, որտեղ արխիվային փաստաթղթերի հիման վրա նա աշխատել էր վեր հանել հայ գաղութի ներքին կյանքը, ցույց տալով, որ Աստրախանի գաղութի տնտեսական և բաղադրական կարևոր դերը պայմանավորում էր գաղութի կուլտուրական կյանքի աշխուժացումը, Զեկուցման մեջ հետաքրքիր փաստեր կային XVIII դ. երկրորդ քառորդում Աստրախանում արդեն գործող հայկական դպրոցների, տպարանի գործունեության, տպագրության և հայերեն գրքերի տարածման մասին:

Կրտսեր գիտաշխատող Գայանե Պինգիրյանը խոսելով Լվովի հայ գաղութի հասարակական-բաղադրական շարժման պատմության մասին, միաժամանակ, լեզվաբանական համեմատությունների և արխիվային նյութերի ուսումնասիրության շնորհիվ այն եզրակացությանը հանգեց, որ Լվովի արխիվային նյութերում հիշատակված 17-րդ դ. 30-ական թվականների հասարակական գործիչ Սիմեոն Միկոլայովիչը, նույն ինքը՝ Սիմեոն դպիր Լեհացին է: Նա հաղորդեց, որ հայտնաբերած արխիվային փաստաթղթերը նոր լույս են սփռում Սիմեոն Միկոլայովիչի հակառուս-թուրքական շարժման մասնակցության հարցում:

Ժորնա Անանյանը «Գրիգորիոսյուլ բաղարի հայկական գաղութի հասարակական կյանքի պատմությունից» զեկուցման մեջ անդրադարձավ XVIII դարի երկրորդ կեսի Գրիգորիոսյուլի հայ հասարակության տնտեսական կյանքին վերաբերող երկու հարցի՝ հայկական գաղութի հողային հարցը և Գրիգորիոսյուլի վաճառականների ազատ առևտրի իրավունքը:

«Լեհաստանի հայերի ինքնավարության օրդանների ֆունկցիաների հարցի շուրջը» թեմային էր նվիրված Մառլեն Հովհաննիսյանի զեկուցումը: Խոսելով Արևմտյան Ուկրաինայում բնակվող հայերին, դեռևս գաղիցյան իշխանությունների կողմից տրված դատական ինքնավարության և Տեղեկագիր 4—6

ազգային ինքնավար հիմնարկություններ ստեղծելու իրավունքի մասին, նա այն հարցն արծարծեց, որ ինքնավարության մարմինների իրավասությունները ըստ էության լինելով դատական իշխանության ձև, չեն սահմանափակվել միայն դատական բնույթի հարցերով, նրանք բացառիկ կարևոր դեր են խաղացել և հաստատել հայկական գաղութի նաև հասարակական-տնտեսական կյանքում:

Ուշադրությամբ լսվեց նաև Ս. Ալավերդյանի «Հայկական ՍՍՌ համատարած կոլեկտիվացման էտապի մասին» զեկուցումը:

Նստաչափանում կարգացված յուրաքանչյուր զեկուցումից հետո տեղի ունեցավ աշխույժ և հիշատար քննարկում, որտեղ ուսանելի գիտություններով ու խորհուրդներով հանդես եկան պատմության ինստիտուտի դիլեկտոր, պատմական գիտությունների դոկտոր Գ. Գալոյանը, Հայկական ՍՍՌ ԳԱ ակադեմիկոս Ա. Հովհաննիսյանը, պատմական գիտ. դոկտոր Ա. Հակոբյանը և պատմ. գիտ. թեկնածուներ Հ. Վարդանյանը, Վ. Ոսկանյանը, Հ. Կարապետյանը և Ա. Գրիգորյանը:

Վ. ՍԱՆԹՐՈՍՅԱՆ

ՀԱՅ ՄԵՄ ՀԱՐՏԱՐԱԿՆԵՑ ԹՈՐԱԴԱՆՅԱՆԻ ԾՆԵՂՅԱՆ 100-ԱՄՅԱԿԸ

Հայ ժողովրդի բազմամյա ստանդարտական հայկական հարտարապետության գիտական ուսումնասիրության հիմնադիր Թորոս Թորամանյանը իր ամբողջ կյանքը նվիրեց ինքնուրույն հայ հարտարապետությանը: Նա գիտական ուսումնասիրությունների միջոցով լույս աշխարհ է հանել և գիտության սեփականությունը դարձրել միջնադարյան հայ հարտարապետությանը, մարդկությանը տեսանելի դարձրել հայ հարտարապետության գլուխգործոցը՝ Զվարթնոցը:

Հայ տաղանդավոր հարտարապետ Թ. Թորամանյանն իր բազմաթիվ ուսումնասիրություններում բացահայտում է հայ հարտարապետության IV—XIV դարերի զարգացման հիմնական կոսմոսները: Նրա տեսությունները արժանանում են ուսանական և նվիրողական շատ գիտնականների ուշադրությանը:

Մեծ գիտնականի հիշատակը հավերժացնելու նպատակով, հանրապետության գիտական, հարտարապետական հասարակությունները, հայ ժողովուրդը երախտագիտության խոր զգացումներով նշեցին Թորոս Թորամանյանի ծնեղյան 100-ամյակը:

Մարտի 24-ին, Երևանի հարտարապետների տանը տեղի ունեցավ Հայաստանի կուլտուրայի միջինստորության արվեստի ինստիտուտի, հարտարապետների միության և պետական պատմական թանգարանի միացյալ գիտական նստաչափ: Հայ անվանի հարտարապետի կյանքի ու գիտական գործունեության մասին զեկուցումներով հանդես եկան արվեստի վաստակավոր գործիչներ Մ. Մազմանյանը, Ա. Սահինյանը, պատմական գիտությունների թեկնածու Ս. Բարխուդարյանը: Հուշերով հանդես եկավ Թորոս Թորամանյանի դուստր Ն. Թորամանյանը:



Մարտի 26-ին, Հայկական ՍՍՌ գիտությունների ակադեմիայի նիստերի դահլիճում տեղի ունեցավ հորեկյանական երեկույթ՝ նվիրված հայ մեծ հարտարապետ Թորոս Թորամանյանի ծնեղյան 100-ամյակին:

Երեկույթը ներածական հատվածով բացեց Հայկական ՍՍՌ Միջինստորների սովետի շինարարության գործերի պետական կոմիտեի նախագահ Գ. Աղաբաբյանը: Թորոս Թորամանյանի գիտական գործունեության մասին զեկուցեց Հայաստանի հարտարապետների միության վարչության նախագահ, արվեստի վաստակավոր գործիչ Վ. Հարությունյանը:

— Թորոս Թորամանյանը, — ասաց զեկուցողը, — մի այնպիսի աշխատանք է կատարել, որը համազոր է գիտական մի ամբողջ կոլեկտիվի աշխատանքի: Հայ խոշորագույն գիտնականը և հարտարապետ խորացել է Հայաստանի հարտարապետության պատմության հանգուցային հարցերի մեջ, հետազոտել ու հայտնաբերել բազմաթիվ հուշարձաններ:

Երեկույթում Թ. Թորամանյանի մասին հուշեր պատմեցին արվեստական Միության ժողովրդական նկարիչ, լենինյան մրցանակի լավատես Մարտիրոս Մարյանը, արվեստի վաստակավոր գործիչ Մ. Մազմանյանը, պատմական գիտությունների դոկտոր Գ. Ղաֆադարյանը, Հայկական ՍՍՌ գիտությունների ակադեմիայի թղթակից-անդամ Մ. Հասրաբյանը: